

حقوقی بیکسیر مجموعه سی

آیده بر نشر اولنور

۷۷
۱۰۰
۱۰۰

شؤون

CHRONIQUE

خدیو سابق، مللی پاشانک دعواسی

— خدیو سابق عباس حلمی پاشانک انکلتره حکومتنه قارشو تورک — انکلیز مختلط محکمه سنده اقامه ایله دیکی دعوی، حقوقی نقطه دن، پک مهمدر و ارباب حقوقک نظر دقتی جلب ایتمک لایقدر. شیمدیلک مسئله نك اساسنه دائر مطالعه درمیان ایتمک دوغرو دکلدرد؛ یالکیز بر جهتی حقنقه شیمدیدن حقوق عالمک نظر دقتی جلب ایدیله بیلیر: حال حاضرده مسئله نك مهم جهتی پاشانک تابعیتی نقطه سیدر؛ انکلتزه حکومتی پاشانک مصر تابعیتنه بولوندیغنی و پاشانک محترم و کیلاری، مؤکلارینک تورک تبعه سندن اولدیغنی ادعا ایتمکده و طرفین بو باده اوزون و مفید اسباب و دلائلی درمیان ایله مکده درلر؛ پاشانک و کیلارینک، انکلتزه حکومتی و کیلاری طرفندن معطی راپوره جواباً قلمه آلدقاری لایحه درین بر تدقیق علمی در؛ و پاشانک تورک تابعیتنه بولوندیغنی قضیه سنی لوزان معاهده نامه سنه، مصر قوانینته، تورک قانونلرینه واک بیوک محررلرک مطالعاتنه استادایتیدر مکده درلر. انکلیز حکومتی و کیلارینک بواساسلی و قوتلی دلائله ویره جکلری جواب مخالف نقطه نظری توضیح ایده جکدر. هر حالده تورک انکلیز محکمه سنی بو خصوصده ویره جکی قرارله پک نازک بر حقوق خصوصیه دول مسئله سنی حل ایتمش اوله جقدر.

عربیه و کالتک بر تبلیغی

عدلیه و کالتی بالعموم مدعی عمومیلکاره آتیده کی تبلیغی کوندر مشدر: «حاکمک صفتنده بولانلرله عدلیه مأمورلری غزته لره بیانانده بولونامازلر. مستننا احوالده لزوم کوردکلری تقدیرده مدعی عمومیلر آنجق و کالتدن استیدان ایتمک صورتیه ویا و کالتک امریه غزته لره بیانانده بولنه بیلیرلر. تنوعیت واقعه خلافده حرکت ایدنلر حقنقه معامله لازمه قانونیه نك تطبیق ضروریدر. خلاف امر حرکت ایدنلر، حاکمک صفتنده بولانلردن ایسه، مدعی عمومیلر کیفیتدن درحال و کالتی خبردار ایده جکلر و بو صنف خارجنده قالان مأمورلردن ایسه حقلرنده درحال توسلات قانونیه ده بولونارق نتایج حاصله سندن معلومات ویره جکلردر.